

Hüttenreuter vnd Hütten- schreiber Eydt.:

Ich N. Schwere / der Römischen / auch zu Dungen
ern vñ Behem zc. Kñ. May. meinem Allergnedigisten
Herrn / Vnd an stat Ihrer May. derselbigen Haupt-
man oder Verwalter / so ieder zeit / inn Sant Joach-
imsthal verordent werden / getrew vnd gewertig zu-
sein / Ihrer May. vnd Gemaines Bergkwercks nutz
vnd bestes fürdern / schaden warnen vnd abwenden / meinem Ampt
treulich vnd vleissig fürstehen / vnd auffsehen / das Ihrer May.
vnd der Gewercken gerechtigkeit / mit schmeltzen nicht vorkürtzt /
treulich / nützlich vnd wol geschmeltzt / auch aller betrug / vnd vn-
rechten vorteil gemieden werden / mich des selber meyden / Noch ge-
dachter Kñ. May. Ordnung allenthalben vchstiglich handhaben
selber halten / Vnd wo ich die vbergangen befinde / warnen vñnd
ansagen / Keynes andern genießs / oder nutzcs dann mir zugelassen /
oder verordenet ist / gewarten / gab / gunst / freundschaft / oder
feindschaft bewegen lassen / Sonder wil dem allen nach meinem
höchsten vermügen genug thuen / Treulich vnd vngesehrlich /
Als mir Gott helff zc.

Der Einfahrer Eydt.:

Ich N. Schwere / der Römischen / auch zu Dungen
ern vnd Behem zc. Kñ. May. meinem Allergnedi-
gisten Herrn / Vnd an stat Ihrer May. derselbigen
Hauptman oder Verwalter / so ieder zeit von Ihrer
May. inn Sant Joachimsthal / verordent werden /
getrew vñ gewertig zusein / Ihrer May. vñ des Bergk-
wercks bestes fürdern / schaden treulich vnd vleissig warnen vñnd
abwenden / Nochgedachter Kñ. May. Bergkordnung vchsti-
glick handthaben / wo ich die vbergangen befinde / warnen vnd
ansagen / die auch vñnorbrüchlich selber halten / meinem bevol-
hen Ampt / mit dem Einfahren / treulichen abwarten / damit Kñ.
May. vnd den Gewercken / nützlich vnd wol mit den gepewden für-
gestanden / die Sechen nicht verhaben / vnd verfürztet werden / mit
allem vleis nachfahren vñ auffsehen / Vnd was ich also vngeschick-
lichs befinde / Ihrer May. verordeneten Amptleuten an verzug an-
zaigen / alles nach meinem höchsten vermügen / inn dem allem Kai-
nen nutz oder genießs / dann der mir von der Kñ. May. zugelassen
ist / gewarten / Treulich vnd vngesehrlich / Als mir Gott helff zc.
Schmeltzer